

描写儿童的古诗

1.
见人初解语呕哑，不肯归眠恋小车。一夜娇啼缘底事，为嫌衣少缕金华。
——韦庄《与小女》
2.
今我不为乐，知有来岁不？命室携童弱，良日登远游。——陶渊明《酬刘柴桑》
3.
清明时节雨纷纷，路上行人欲断魂。借问酒家何处有？牧童遥指杏花村。
——杜牧《清明》
4.
少小离家老大回，乡音无改鬓毛衰。儿童相见不相识，笑问客从何处来。
——贺知章《回乡偶书·其一》
5.
稚子牵衣问，归来何太迟。共谁争岁月，赢得鬓边丝。——杜牧《归家》
6.
幼童轻岁月，谓言可久长，一朝见零悴，叹息向秋霜。迍邅已穷极，痍疴复不康，每恐先朝露，不见白日光。庶及盛年时，暂遂情所望。吉辰既乖越，来期眇未央。促促岁月尽，穷年空怨伤。——伍缉之《劳歌二首》
7.
小时不识月，呼作白玉盘。又疑瑶台镜，飞在青云端。——李白《古朗

月行》

8.
醉里吴音相媚好，白发谁家翁媪？大儿锄豆溪东，中儿正织鸡笼。——
辛弃疾《清平乐·村居》

9.
天公似欲败蚕麩，雨冒南山暮不收。駸女痴儿那念此，贪看蝌蚪满清沟。
——陆游《春雨六首·其三》

10.
萧萧梧叶送寒声，江上秋风动客情。知有儿童挑促织，夜深篱落一灯明。
——叶绍翁《夜书所见》

11.
清江一曲抱村流，长夏江村事事幽。自去自来堂上燕，相亲相近水中鸥。
老妻画纸为棋局，稚子敲针作钓钩。但有故人供禄米，微躯此外更何求。
——杜甫《江村》

12.
大儿锄豆溪东，中儿正织鸡笼。最喜小儿亡赖，溪头卧剥莲蓬。——辛
弃疾《清平乐·村居》

13.
朝牧牛，牧牛下江曲。夜牧牛，牧牛度村谷。荷蓑出林春雨细，芦管卧
吹莎草绿。乱插蓬蒿箭满腰，不怕猛虎欺黄犊。——李涉《牧童词》

14.
今年寒食在商山，山里风光亦可怜。稚子就花拈蛱蝶，人家依树系秋千。
郊原晓绿初经雨，巷陌春阴乍禁烟？副使官闲莫惆怅，酒钱犹有撰碑钱。
——王禹偁《寒食》

15.
幼女才六岁，未知巧与拙。向夜在堂前，学人拜新月。——施肩吾《幼

女词》

16.

髻髻七八岁，绮纨三四儿。弄尘复斗草，尽日乐嬉嬉。堂上长年客，鬓间新有丝。一看竹马戏，每忆童騃时。童騃饶戏乐，老大多忧悲。静念彼与此，不知谁是痴。——白居易《观儿戏》

17.

篱外谁家不系船，春风吹入钓鱼湾。小童疑是有村客，急向柴门去却关。——崔道融《溪居即事》

18.

午后顺着小河走，河水清清，在我脚下流。水中石头大如斗，石边鱼儿轻轻游。小小牧童竟怕羞，赤身蹲在，田边和地头。口中唤着大花狗，手里牵着老黄牛。——《牧牛图》

19.

柳条搓线絮搓绵，搓够千寻放纸鸢。消得春风多少力，带将儿辈上青天。——徐渭《风鸢图诗》

20.

梅子留酸软齿牙，芭蕉分绿与窗纱。日长睡起无情思，闲看儿童捉柳花。——杨万里《闲居初夏午睡起》

21.

篱落疏疏一径深，枝头花落未成阴。儿童急走追黄蝶，飞入菜花无处寻。——杨万里《宿新市徐公店》

22.

我亦曾经放鸢嬉，今来不道老如斯，那能更驻游春马，闲看儿童断线时。——徐文长《风鸢图十首》

23.

牧童骑黄牛，歌声振林樾。意欲捕鸣蝉，忽然闭口立。——袁枚《所见》

》

24.

缀玉联珠六十年，谁教冥路作诗仙。浮云不系白居易，造化无为字乐天。童子解吟长恨曲，胡儿能唱琵琶篇。文章已满行人耳，一度思卿一怆然。——宣宗李忱《吊白居易》

25.

十岁载诗走马成，冷灰残烛动离情。桐花万里丹山路，雏凤清于老凤声。——李商隐《绝句》

26.

白头波上白头翁，家逐船移江浦风。一尺鲈鱼新钓得，儿孙吹火荻花中。——郑谷《淮上渔者》

27.

草铺横野六七里，笛弄晚风三四声。归来饱饭黄昏后，不脱蓑衣卧月明。——吕岩《牧童》

28.

少小离家老大回，乡音无改鬓毛催。儿童相见不相识，笑问客从何处来。——贺知章《回乡偶书》

29.

骑牛远远过前村，吹笛风斜隔陇闻。多少长安名利客，机关用尽不如君。——黄庭坚《牧童》

30.

清明风日雨干时，草满花堤水满溪。童子柳阴眠正着，一牛吃过柳阴西。——杨万里《桑茶坑道中》

31.

重重叠叠上瑶台，几度呼童归不开。刚被太阳收拾去，却教明月送将来。——苏轼《花影》

32.

马啼踏水乱明霞，醉袖迎风受落花。怪见溪童出门望，鹊声先我到山家。
。——刘因《山家》

33.

秋来皎洁白须光，试脱朝簪学酒狂。一曲酣歌还自乐，儿孙嬉笑挽衣裳。
。——权德舆《览镜见白发数茎光鲜特异》

34.

无事经年别远公，帝城钟晓忆西峰。炉烟消尽寒灯晦，童子开门雪满松。
。——李商隐《忆匡一师》

35.

怡然敬父执，问我来何方？问答未及已，驱儿罗酒浆。——杜甫《赠卫八处士》

36.

马湖来舞钗初赐，笳鼓声繁。贤将开关。威竦西山八诏蛮。南溪地逐名
贤重，深锁群山。燕喜公闲。一斛明珠两小鬟。——黄庭坚《采桑子》

37.

蓬头稚子学垂纶，侧坐莓苔草映身。路人借问遥招手，怕得鱼惊不应人。
。——胡令能《小儿垂钓》

38.

牧竖持蓑笠，逢人气傲然。卧牛吹短笛，耕却傍溪田。——崔道融《牧竖》

39.

日暮鸟雀稀，稚子呼牛归。住处无邻里，柴门独掩扉。——丘为《泛耶溪》

40.

斜光照墟落，穷巷牛羊归。野老念牧童，倚杖候荆扉。雉雊麦苗秀，蚕

眠桑叶稀。田夫荷锄至，相见语依依。即此羡闲逸，怅然吟式微。——王维《渭川田家》

41.

巴女骑牛唱竹枝，藕丝菱叶傍江时。不愁日暮还家错，记得芭蕉出槿篱。——于鹄《巴女谣》

42.

旧国迷江树，他乡近海门。移家南渡久，童稚解方言。——皇甫冉《同诸公有怀绝句》

43.

新词宛转递相传，振袖倾鬟风露前。月落乌啼云雨散，游童陌上拾花钿。——刘禹锡《踏歌词》

44.

草满池塘水满陂，山衔落日浸寒漪。牧童归去横牛背，短笛无腔信口吹。——雷震《村晚》

45.

十年种木，一年种谷，都付儿童。老夫唯有，醒来明月，醉后清风。——元好问《人月圆卜居外家东园》

46.

谁人得似牧童心，牛上横眠秋听深。时复往来吹一曲，何愁南北不知音！——卢肇《牧童》

47.

松下问童子，言师采药去。只在此山中，云深不知处。——贾岛《寻隐者不遇》

48.

雨余溪水掠堤平，闲看村童谢晚晴。竹马踟蹰冲淖去，纸鸢跋扈挟风鸣。三冬暂就儒生学，千耦还从父老耕。识字粗堪供赋役，不须辛苦慕公

卿。——陆游《观村童戏溪上》

49.

草长莺飞二月天，拂堤杨柳醉春烟。儿童放学归来早，忙趁东风放纸鸢。
。——高鼎《村居》

50.

稚子金盆脱晓冰，彩丝穿取当银钲。敲成玉磬穿林响，忽作玻璃碎地声。
。——杨万里《稚子弄冰》

51.

柳条三尺长，明日清明节。江南小儿女，采作流苏结。——许虬《折杨柳歌》

52.

昼出耕田夜绩麻，村庄儿女各当家。童孙未解供耕织，也傍桑阴学种瓜。
。——范成大《四时田园杂兴》

53.

官历行将尽，村醪强自倾。厌寒思暖律，畏老惜残更。岁月已如此，寇戎犹未平。
儿童不谙事，歌吹待天明。——罗隐《岁除夜》

54.

绕池闲步看鱼游，正值儿童弄钓舟。一种爱鱼心各异，我来施食尔垂钩。
。——白居易《观游鱼》

55.

结伴儿童裤褶红，手提线索骂天公。人人夸你春来早，欠我风筝五丈风。
。——孔尚任《放风筝》

56.

小娃撑小艇，偷采白莲回。不解藏踪迹，浮萍一道开。——白居易《池上》

57.

茅檐低小，溪上青青草。醉里吴音相媚好，白发谁家翁媪。大儿锄豆溪东，中儿正织鸡笼。最喜小儿无赖，溪头卧剥莲蓬。——辛弃疾《清平乐·村居》

58.

一叶渔船两小童，收篙停棹坐船中。怪生无雨都张伞，不是遮头是使风。——杨万里《舟过安仁》

59.

田父草际归，村童雨中牧。主人东皋上，时稼绕茅屋。——贾岛《宿郑州》

60.

萋萋芳草春绿，落落长松夏寒。牛羊自归村巷，童稚不识衣冠。——王维《田园乐》

61.

下床着新装，初学小姑拜。低头羞见人，双手结群带。——毛铉《幼女词》

本文链接：<https://duanjuziku.com/duanjuzi/v0e0zekb59.html>